



Moderamen  
GBKP

# Ibadah



# keluarga

*Rabu, 29 April 2020*

## PERSIKAPEN

- Nikapken persiapen guna ibadah, Alkitab ras perlengkapen sidebanna
- Adi lit ibas rumahta sibanci main musik gelah iiringi ibadahta reh sikapna gitar, keyboard ras sidebanna.

## RENDE KEE 399:1-2 (Ibabai Nande)

Mari surak puji Tuhan, Endeken nde enden m'riah  
 O surga, doni ersurak kerina  
 Mari rende muji IA, alu ukur si meriah  
 Puji gelarNa si Badia  
 Reff..  
 La emgadi-ngadi, ku puji Kam Tuhan  
 Bas k'rina dampar kegeluhen  
 Ersurak m'riah, pusuhku ibas Kam  
 Terpuji Tuhan rasa lalap  
 Mari k'rina manusia, si puji dage Dibata  
 Rendelah ersuraklah kita k'rina  
 Ersadalah ukurta e mujiken gelar Dibata

## ERTOTO

(Ibabai Nande)

## NGOGE KATA DIBATA : Pilipi 4:7 (Ibabai Anak bas jabu)

## RENUNGEN

Paulus enggo beluh ia rukur kenca nandai Jesus.

Beluh rukur ertina ngasup ia ngeteh kai sura-sura Dibata i bas kegeluhenna. Janah ia enggo nggeluh i bas kemenangen. Nggeluh bas kemenangen labo maka lanai lit perbebenna, tapi enggo ia ngasup naluken perbebenna erkiteken persadanna ras Tuhan. Erdandanken si e maka amin gia ia sangana i bas penjara tupung erban suratna enda, ikatakenna "ermeriah ukurlah katawari pe erkiteken persadannu ras Tuhan (Pil.4:4).

I bas ogenta nina Paulus, "Kemalem en ate si rehna i bas Dibata nari, si la terukuri manusia, ngarak-ngarak pusuh ras ukurndu erkiteken persadannu ras Kristus Jesus." Ertina maka lit kemalem en ate (damai sejahtera) si rehna i bas Dibata. Kalak si lit i bas ia "kemalem en ate" (damai sejahtera) enda eme gambaren kegeluhen kalak si mehuli persadanna ras Tuhan. Adi lit dosa si langa tuntas bas geluhta labo banci lit kemalem en ate enda i bas kita. Kemalem en ate enda ngelebihi asa perukuren. Ertina maka la terjeng masuk akal ngenca kita ermalem en ate. Adi masuk akal denga maka si e bali denga ras doni enda. Umpamana malem en ate perban seh sura-sura. Adi bagenda la gia ras Tuhan banci si nanami. Tapi la pe bagi ukurta malem en ate maka enda me si enggo ersada ras Tuhan. Erkiteken si idah Tuhan nemani kita janah kerina renacannaNa pasti mehuli.

Erdandanken si e maka sanga la bagi ukurta e pe pasti lit rencana Dibata si mehuli banta. Bage me banta maka i bas situasi sibagenda rupa pe mari tetap ersada ras Tuhan janah ije sidatken kemalem en ate erkiteken si idah sura-suraNa.

**RENDE KEE 181:1-2**

(Ibabai Nande)

Segedang-gedang geluhku, Itemani penebus,  
 Labo kai pe si kurang, Adi tanNa negu t'rus,  
 Dame surga lit "bas aku, lusekenNa nagku,  
 Kegeluhen jadi senang, Kai pe la lit si kurang,  
 Kegeluhen jadi senang, Kai pe la lit si kurang,

Segedang-gedang geluhku, Kubentasi k'rina e,  
 'Di si mberat reh man bangku, la penahangisa  
 Labo pediatNa ndabuh, Minter kal iangkatNa  
 Lalap i jagaiNa aku, Iban keleng ateNa  
 Lalap i jagaiNa aku, Iban keleng ateNa

**PERTOTON SYAFAAT**

I bagi rikutken terem si pulung.

(Notoken Keluarga tetap emeriah ukur amin gia arus I rumah, Ekonomi bangsa ras jabuta,  
 pemimpin bangsa, para medis, Covid- 19 gelah ipengadi Tuhan rsd)

**RENDE KEE 334:1-2**

(Ibabai Nande)

Tuhan kap si empuna geluhta  
 Gegehta la si merekenca  
 Kiniteken peras pemeteha  
 E pe ia si njujurkenca  
 la kap erbanca kita sangap  
 Tetaplah man la kita ngarap  
 Di reh susah breNa serpang pulah  
 Tendi kula mejuah-juah

Dage tetaplah bulat ukurta  
 Geluhta pe lalap min erguna  
 Lagu langkah pe la sia-sia  
 Gelar Tuhanlah ermulia  
 Adi jumpa kita si mesera  
 Pengarapen ula kal min pera  
 Kune riah ukur kita jumpa  
 Nehken bujur ula kal lupa

**PERTOTON TUHAN**